

In per patratgs e notizias,partenent iis donns da lavinas
dall'emprem'jamna d'avrel 1975,ella vischnaunca Tujetsch
=====

Las nevadas e lavinas dall'entschatta avrel,che ha
caschunau disgrazias e gronds donns,principalmein ellas
vischnauncas sisum la Cadi,vegnan a restar aung dit e memoria.
La vischnaunca da Tujetsch,ha,relativamein aung giu cletg.
Glied e tiers ha ei buca tuceau.

Ch'ils vischins da Tujetsch ein vegni perseverei da pli gronds
donns e disgrazias,ei segir igl effect dallas plontaziuns e
rampars encunter lavinas, eregidas dapi 70 onns, e quei da
Sedrun-Niriel entras plirs projects,da vart seniastra dalla
val entochen dadens Tschamut.

In eveniment,il qual jeu lessel cheu menzionar specialmein
ei,las lavinas dils 4 d'avrel 1975 egl uaul Cavorgia.

La lavina dalla Nutta-Rieda-Cuolm Cavorgia.

Giu dallas spundas dalla Nutta,ei in onn ni l'auter adina
vegnu lavinas.Bein enqual tegia dal mises dalla Rieda ein
vegnidas scuadas giu egl uaul.Periodicamein han lavinas
parcuriu igl uaul e vegnidas giu Maises,mo senza caschunar
donns pli gronds.

Dimensiuns sco la lavina dils 4 d'avrel ha priu ein anagin
encunaschent. La lavina dalla Nutta ha priu treis direcciuns
Ina part ei curdada da vart encunter damàun,dalla largia da
"Crest Tgietschen" giu entochen l'aua dalla Val Gierm.
La secunda part ei sederschida davon giu,cun ina pressiun
imensa atras igl uaul dalla parzella 6 giu el prau da Maises
e leu sedevidida e dus vaus. Ina part ha priu la via entaden
il prau giu,derschiu treis baghetgs e schulada atras igl uaul
prazella 7 e vinavon dals praus giu entochen ca. 300 m sur
las casas da Plaun -Cavorgia.

Lautra part da quella lavina,ei curdada odem il prau da Maises
giu,priu quater baghetgs e continuau la cuorssa dagl uaul
dallas Ruttas giu entochen al fuas dalla val.

La tiarza part dalla lavina ei curdada da vart encunter sera
dalla Mutta, leu dalla Vallatscha giu entochen^{siu} miez igl uaul,
leu sessiara la val e la lavina ei serasada egl uaul.

La largia gia existentata ei,entras destruir la giuvilaziun
ed aung derscher plantas pli grondas vegnida in bien ton pli va
vasta.

Che las lavinas ein curdadas cun ina massa e pressiu extra-
ordinaria, muossa la destrucziun dils baghetgs a "Maises grond"
Quels existan gia tschiens onns e naging ha fatg menziun, che
tals segien enzacu vegn destrui da lavinas.

La tradiziun fa denton menziun, che la lavina sco era la bova dal-
la Vallatscha segien vegnidas entochen giu els praus. Entochen
oz consideravel quellas raquintaziuns plitost sco praulas.

Sche la lavina dalla val Vallatscha fuss rutta ora cun quella
dalla Mutta, fuss ei stau pusseivel, che lezza nevada vess rut
atras in vau digl uaul dal Capetsch entochen giu els praus.

Vulan ins ussa erruir ils motivs dall' erupziun e dimensiun.
dallas lavinas menziunadas, ston ins bein atribuir quels all'
imensa nevada e sia composiziun fetg movibla. In auter, ed era
impurtont motiv, ei era la decadenza digl uaul dalla Mutta.
Sco buob e pastur si la Rieda, seragordel da gruppas da
pegn d'untida si la Mutta. Sco funcziunari forestal, haiel
stoviu, constatar, che quellas plantas veglias ein svanidas.

Il grond donn dalle lavinas, ei senz'auter la destrucziun
dalla giuvinaziun e senza quella sa era igl uaul buc'exister.

Alla vischnaunca, sco als organs forestals, exista ussa in
pensum ualti urgent da segerrar e protegiar ils uauls da
Cavorgia, da donnas da lavinas.

Sedrun, ils 19. 1. 1976

Basso Frenodes